

沈雲龍教授主編

近代中國史料叢刊

第二十三輯

文海出版社印行

近代中國史料叢刊

沈雲龍教授主編

近代中國史料種類之繁，卷帙之多，遠過其他時代。就內容而論，可別爲原始資料（Primary sources of materials）與次要資料（Secondary sources of materials）兩類。前者如歷朝實錄、東華錄、政治官報、大臣奏疏、外交檔案、名臣專集、函牘手札、日記、自訂年譜、回憶錄等；後者如官書傳記、行狀、碑誌、新聞記載、雜誌論文、私人筆記、以及參用史料，專題研究所得而成之史籍，與夫總合敘述史蹟之真相，而使讀者明瞭一事，或一時代之政治外交社會經濟情況及人民生活之專著等，均其明例。

本社向以搜集史料影印流傳爲職志。其卷帙較多之大清實錄、東華錄、十朝聖訓、清季外交史料，政治官報等鉅製，均已先後出版，甚獲好評。茲再商得近代史學家沈雲龍教授之同意，就上述範圍，代爲搜羅選輯卷帙較少而有價值之史料，陸續影印，並承惠允將其所藏罕見之孤本若干種先行借出攝印，以供海內外學人治近代中國史者之參考。

文海出版社謹識

中華民國五十五年十月

近代中國史料叢刊

第二十三輯

目錄

| | |
|-------------|------|
| 張文毅公(芾)奏稿 | 張修府編 |
| 張靖達公(樹聲)奏議 | 何嗣焜編 |
| 于中丞(蔭霖)奏議 | 于翰篤編 |
| 附：家傳·南陽商學偶存 | |
| 棟齋日記 | 于蔭霖編 |
| 退耕堂政書 | 徐世昌著 |
| 復菴先生集 | 陶世鳳編 |
| 蠖園文存 | 朱啓鈴著 |
| 咄咄吟 | 貝青喬著 |
| 夷患備嘗記 | 曹晟著 |
| 清代考試制度資料 | 章中和著 |

WE193/02
3/12M

國史列傳

張芾陝西涇陽人道光十五年進士改翰林院庶吉士
十六年散館授編修十八年充會試同考官十九年二
月

大考二等遇缺題奏

賞文綺五月充廣東鄉試正考官二十年擢右春坊右中允二
十一年三月充會試同考官四月升翰林院侍講十月
署

日講起居注官十二月轉侍讀二十二年四月

命在南書房行走八月擢右春坊右庶子九月轉左庶子二十

三年三月

大考一等以少詹事升用四月補缺七月充江西鄉試正考官八月授安徽學政十一月調江蘇學政二十四年升內閣學士兼禮部侍郎銜二十五年授工部右侍郎兼管錢法堂事務均畱學政任二十六年抵京

命仍在南書房行走二十七年教習庶吉士二十八年八月調吏部右侍郎九月署工部右侍郎十一月兼署戶部右侍郎均兼管錢法堂事務十二月充

經筵講官二十九年七月署戶部左侍郎兼管三庫事務
自二十七年至是年歷

派充舉人覆試庶吉士散館進士

朝考

大考翰詹考試試差閱卷大臣八月授江西學政三十年
正月以被參江西袁州協副將達崇阿廢弛營務挾優
縱子九江府知府劉熾昌侵蝕公項玩視人命

諭芾確查密奏尋奏請分別傳訊褫職

允之是月

文宗顯皇帝登極

詔陳言芾以四條奏入一明黜陟以勵人材一寬出納以培元
氣一禁靡費以端民俗一求制勝以重海防

上嘉納之尋

命查江西巡撫陳旰被參各款十二月查明分別奏入得

旨陳旰著卽革職聽候查辦旋經陳旰奏參前任江西學政兵部侍郎孫葆元見任學政張芾收受陋規致江省鉅虧

上命兩江總督陸建瀛查奏尋奏明孫葆元張芾考試均係循照舊章竝無格外需索奏入得

旨著無庸議咸豐二年正月調吏部左侍郎三月調刑部左侍郎均畱學政任八月

命署江西巡撫十月以捐備軍餉下部優敘十一月粵西會匪竄入湖南陷岳州江防緊要

命芾赴九江防堵十二月實授江西巡撫三年正月粵匪復竄
湖北攻陷武昌

申諭芾於大江兩岸節節扼防賊尋竄入九江芾奏請從重治
罪得

旨革職畱任見在賊竄下游著卽回省於沿江一帶密爲防範
會

欽差大臣湖北提督向榮將兵東下九江賊匪竄出旋奏言逆
匪東竄本年漕運關係綦重可否

飭下廣東督撫招商買米運至天津實於京倉有裨經部議覆
請

飭兩廣總督勸諭紳民捐米仍照輸銀獎勵

從之時粵逆竄踞金陵大兵雲集需餉浩繁均由江西轉解

奏稱各省應解江西接濟江南軍餉其未解各款請由

戶部查明嚴催應由江西經過者江西轉解如距江甯

較近即徑解大營以免遲誤

從之五月率屬續捐軍餉下部優敘尋以金陵久為賊踞

籌設江防竝咨兩湖督撫撥兵會剿得

旨該逆被剿窮蹙難保不回竄上游著該督撫各就地方情形

擇要布置四月有船千餘隻揚帆自金陵回竄芾檄飭湖北

臬司江忠源督率兵勇星夜馳赴安慶下游相機剿辦

續奏官兵擊賊敗回九江探聞安慶業已失守請

飭催江忠源迅速赴剿又奏賊船蔽江謀犯江西請添兵援應
均報

聞賊船旋入湖口芾奏拏獲奸細四十餘名見在豫備守禦江
忠源亦奏兼程馳赴江西省城

諭曰所奏拏獲奸細至四十餘名其所帶布袋及偽號封條難
保非遺散後未暇燬棄之物該撫仍當會商分別應剿及應
遣散之處妥籌速辦六月奏稱賊船乘北風大作撲犯南昌

江忠源督飭兵勇分三路直撲賊隊奮勇剿擊斃賊百
餘名匪復拌死回撲知府覺羅耆齡林福祥等然礮轟

擊各營兵丁下城助戰殪二百餘匪該逆潰走竝請撥
兵援救

旨令湖廣督撫迅速撥兵應援嗣奏連日縋城攻剿先後獲勝
該逆於永和得勝門外連紮三營江忠源派兵勇進擊
由章江門下城焚燬賊壘賊船斃匪多名芾與在籍尙
書陳孚恩臨城督陣兵勇分撲賊營殲賊甚夥川楚及
九江南昌各勇三面接應鏖戰二時之久賊始敗退惟
兵力稍單攻剿總難得手請

飭湖廣督撫迅撥精銳一鼓殲除疏入

諭曰逆匪攻撲南昌兵勇縋城殺賊屢獲勝仗江忠源所帶楚

勇尤能勇在出力見在向榮已派鎮將大員帶兵馳赴江西
湖北湖南各督撫亦撥將弁兵勇助剿蠢茲醜類不難指日
蕩平也旋奏稱賊用地雷轟城城垣坐墊塌卸六丈餘兩旁
賊裂各三四丈不等當地雷大發黑煙迷目賊又施放
火箭槍礮子密如雨江忠濟督勇挺立缺口指麾眾勇
血戰逾時逆勢始卻芾等督勇搶築缺口一律完全是
日斃賊約五六百名奪獲器械六十餘件疏入

賞江忠濟五品頂帶花翎餘升敘有差旋因逆匪竄入南康復
擾及湖口彭澤奏請從重治罪

諭曰彭澤湖口雖據稱竝未失守難保非飾詞稟報所請從重

治罪俟圍解後再降諭旨七月奏逆匪撲城江忠源督飭員弁開放大礮擊毀賊壘數處總兵馬濟美等兩路夾攻殲賊三百餘名見於永和章江門外紮營爲左右翼逼近賊巢竝掘濠竇聽以防地道得

旨辦理甚合機宜著趕緊勦辦東西四門防守較易不可稍存大意旋奏逆匪復用地雷轟城塌卸三處均經江忠濟守備李朝輔等嚴督兵勇奮力堵擊又馬濟美等自永和等門分路追殺前後殲賊二百餘名城垣趕緊修築一律完復得

旨嘉獎又奏賊撲我軍營盤馬濟美整隊出敵所向披靡忽遇

賊伏該總兵振臂揮眾酣戰逾時親刃數賊中矛陣
我兵勢卻芾於城上督放大礮擡槍適中賊隊賊紛紛
倒斃又派將弁出城分路攻剿殺賊無數賊大敗泗水
而逸

上以芾奮力督戰轉敗爲功復得

旨嘉獎會河水漲發逆匪乘閒竄入瑞州府城芾下部議處八
月豐城高安相繼失守泰和縣土匪滋事竄擾萬安並
分攻興國知縣潘安國同在籍武進士韓進春登陴守
禦匪乘夜爬城兵勇奮力擊退該縣各堡首事約集助
剿斬級二百十三顆生擒百七十一名燒斃匪徒無數

引丁家公考選
焚燬賊營三座餘匪奔逃奏入

上嘉獎之九月江西省城圍解芾等會奏略曰逆匪攻城日久
城內時出奇兵兇鋒漸挫連日於城頭分布大礮轟擊
賊壘竝先後奪毀賊船數十隻擒斬逆匪數百名燒斃
溺斃者無數奪獲礮械多件餘匪下竄見派將弁兵勇
繞出賊前截擊江忠源與總兵音德布等亦跟蹤追剿
諭曰逆匪攻撲江西省城九十餘日經張芾等躬率文武官紳
嬰城固守雖未能盡剿賊匪而省會得以保全張芾著開復
革職畱任處分陳孚恩著賞戴花翎江忠源著賞給二品頂
帶其出力文武員弁及紳民兵勇人等著據實保奏十二月

保奏江西守城出力文武各員弁

上以單開文武各員保舉過優文職人員爲數尤多

命部臣覈議部議未上芾又申奏

諭曰前據張芾奏保守城出力人員朕以其所保過優當交部覈議具奏該撫應候續降諭旨懍遵辦理乃於未接部文之先曉曉致辯該撫捫心自問此文武二百餘員中竟無一人冒濫耶至該省紳士業經加恩其餘聞警遷避之員該撫乃稱仍俟酌量請獎旣經參奏於前又復迴護於後尤屬紕謬張芾著傳旨申飭旋疏言武職有捍衛地方之責必周知山川形勢熟悉風土人情乃可得力江西自副將至守備

共五十三缺題補僅八缺餘歸部選武職廉俸無多赴任費斧不易本省題補既少拔至千總永無升階人材每多湮沒應請

敕部將選缺較多省分酌改題缺庶武職由本省升轉情形較熟竝免赴任之苦方今軍務未竣遇有開缺可否卽於本處升補以免員缺久懸似於戎行有裨奏

聞

命下部議先是帶奏截畱滇黔銅鉛銀兩

上以其不知緩急

嚴旨切責之至是廬州需餉孔急

諭將前項銀十萬兩迅速委員解廬旋奏言昨奉

硃諭憂懼悚惶莫知所措因思庫款支絀各省皆然江西有事
閩浙楚粵無不動搖於大局有礙在籍尚書陳孚恩自
蒙

恩賚感激涕零乃忽蒙

嚴旨若非言官屢聞糾彈卽係大臣挾嫌攻訐見值寇氛未息
士民聯爲一氣地方可冀稍安若羣情渙散必致事事
掣肘

諭曰據張芾奏畱滇黔銅鉛銀兩朕於摺內嚴旨切責正望其
激勵有爲乃本日奏籌軍餉摺內仍復曉曉致辯轉視訓諭

張文恭公奏重國體事

爲多事實屬有負委任張芾著交部議處四年正月部議革

職

諭曰江西巡撫張芾陳奏截留銀兩濫保員弁率多任意妄行朕於摺內批示原係成全造就之意乃張芾負氣逞詞並另片奏尙書陳孚恩守城時積勞成疾忽奉嚴旨若非言官糾彈卽係大臣挾嫌攻訐等語朕獎功黜罪一秉大公從未嘗以風聞影響之詞遽加罪戾張芾敢以私意揣測朕躬實屬膽大糊塗著照部議革職十二月兵部左侍郎王茂蔭以徽甯國防事宜請芾籌辦得

旨著發往安徽軍營交將軍和春巡撫福濟差遣委用五年浙

江巡撫何桂清奏收復休甯石埭芾協勦出力

賞給六品頂帶六年二月兩江總督怡良等奏皖南軍務緊要
必須才識兼優聲望素著者方足勝任六品頂帶前任
江西巡撫張芾自上年籌辦徽池防勦聯絡紳民勸捐
軍餉約五十萬兩且文武員弁均樂與共事如今專任
重權必事半功倍

上納其言五月逆匪擾婺源祁門兩縣芾親督兵勇扼要堵截
敗賊於七里橋及屯溪口等處斃賊甚夥賊由潛口竄
楊邨等處兵勇合鄉團追勦斬馘無算餘賊潰逃徽境
肅清福濟上其功

賞換五品頂帶十月福濟奏安徽團練請由芾調度

上從之時江西德安賊匪復竄踞休甯芾派撥兵勇親自督陣
殲賊千餘名賊尋以大股撲營經副將周天受等督飭
兵勇及休歙兩縣鄉團擒斬百數十人時芾丁母憂

上以軍務緊要

命畱營辦事尋將休甯收復浙江巡撫何桂清奏入

諭曰張芾辦理徽州防剿甚爲出力深得民心此次克復休甯
尤屬調度有方該員見丁母憂俟服闋後以三品京堂候補
七年七月呈請葬親

諭給假六箇月旋復奉

諭曰見在徽州防勦喫緊張芾仍著暫畱俟軍務稍平卽遵前旨給假六箇月回籍葬親八月賊犯徽境之清華街芾飭參將王慶麟等截擊斃賊甚眾嗣復四面兜剿賊潰竄我軍追殺千餘人斬擊殆盡十一月

諭徽郡一帶防勦事宜卽著張芾妥爲籌辦在防將士竝由張芾委員統領以期得力尋以婺源祁門先後擊退賊匪景德鎮業已收復奏懇回籍經兩江總督何桂清等會奏池太各屬敗匪窺伺徽甯遽易大員諸事恐難應手疏入命仍畱徽督辦八年六月奏參提督銜福建漳州鎮總兵周天受調度乖方縱兵騷擾竝有擅殺鄉團情事

上以周天受係芾保奏之員下部議處七月浙江巡撫晏端書

奏浙江全境肅清以芾先後撥兵援剿有功

賞戴花翎十二月浙江巡撫胡興仁奏張芾以母服已滿咨請

代奏回籍補行守制奉

諭俟軍情大定請旨遵行先是安徽婺源縣城被賊竄踞九年

二月芾密派將弁斷賊接濟督隊薄城賊目張宗相乞

降署皖南鎮總兵江長貴乘機進攻斬關直入立復縣

城竝將高沙賊壘一律平毀餘匪西竄三月補通政使

司通政使六月以安徽紳士情願籌捐津貼舉行鄉試

奏入

允之十月授都察院左副都御史十一月我軍由穰嶺進發襲破太平縣郭邨賊卡悉殲其眾江長貴率眾直撲二卡副將王恩榮首先攻入立將賊卡悉毀賊潰走克復郭邨汀州鎮總兵米興朝聞捷乘夜進攻石埭縣夏邨賊壘鄉團助戰賊眾狂奔夏邨亦卽克復尋奉

諭院南四府一州軍務均著張芾督辦其甯國一軍自周天受以下俱歸節制十年正月以陣亡人員部議卹典未能一律奏請分別復加議卹下部議奏議上

諭曰據奏該部前議覈與定例相符惟軍營將弁由兵保升副參遊各官尙無底缺者陣亡照升階議卹其有缺之員如僅

得拔補外委把總等缺照本缺議卹殊不足以昭平允應如何妥議章程以歸畫一該部悉心覈議具奏二月涇縣旌德復陷三月賊由績溪撲犯徽州郡芾奏陳官軍迎剿進攻情形竝自請治罪

諭曰賊由績溪撲犯徽州府城經張芾督同總兵江長貴分軍先後繼進賊眾傾巢而至官軍大呼衝入馬隊從山後包鈔賊勢大潰復於二十二日夜間密派隊伍進攻績溪賊倉卒迎拒棄城逃竄縣城克復張芾著加恩改爲交部議處尋部議上

命暫行革職仍督辦皖南軍務閏二月芾部分諸將規復太平

旌德石埭等城知府蘇式敬湖北道蕭翰慶會攻太平城中內應哨樓火起我軍奪門直入其江長貴一軍直偪旌德城下遊擊黃朝升等首先攻破東門都司黃占超等由小東門南門衝入蕭翰慶等移兵攻石埭賊方夜出撲營忽西南火起我軍合力夾攻勇氣百倍遂復石埭三日之內連復三城奏入

上嘉獎之乘勝遂復涇縣時溧陽踞匪回竄安徽建平芾派兵救援未及而城陷下部議處五月浙江淳安縣踞匪復竄徽州南山之蕩坑芾豫飭已革副將羅承勳等回軍堵禦斃賊無算得

旨迅速攻剿毋畱餘孽六月南陵敗匪回竄涇縣廣德亦同時

告警旋即先後失陷芾下部議處七月

命來京十月奏請開缺補行守制

允之竝奉

硃批汝年尙壯將來報效爲日正長朕自中秋抵承德後身體

安健特諭汝知十一年陝西回匪滋事三月

命督辦陝西團練事宜四月

命會同陝西巡撫瑛棨辦理陝西防堵同治元年四月芾親赴

渭南倉頭鎮曉諭回匪責以大義回眾頗有感悟者逆

首任老五謂不成芾無以堅眾心喝令其黨擁出芾坐

地大罵日皆皆裂遂被害八月經瑛檄查明奏入

諭曰陝西回匪滋事張芾率同臨潼縣知縣繆樹本山西候補知縣蔣若訥等分往勸諭行至油房街被回匪擁至倉頭鎮於五月十三日先後將張芾等殺害張芾罵不絕口被禍尤慘見危授命大節凜然著照侍郎例從優議卹伊子二品廕生張師劬賞給舉人准其一體會試竝於陝西省城建立專祠繆樹本等一併附祀九月鴻臚寺少卿朱夢元等奏稱張芾前在江西學政任內爲士林所宗仰迨擢任巡撫粵匪撲犯省城張芾激勵兵勇士民登陴固守歷九十六晝夜卒保危城士民至今感戴請於江西省城建立專

張文毅公奏稿

祠竝懇

賜諡以昭忠盡得

旨俞允芾之被害出

其子師劬於

而北莫可蹤

氏祖塋碑宜

臂出血滴驗

呈請將芾死

二品頂帶張

同時遇害之

蓉據情奏入

諭曰前因張芾在陝西辦團撫回遇害曾降旨從優議卹竝加恩予諡在陝省建立專祠以彰忠烈茲復據劉蓉奏稱查明該故員殉難顛末及其眷屬人等殉節甚多竝據其子二品廕生舉人張師劬呈報尋獲伊父殘骸歸葬各等語張芾秉性忠直敷歷中外前在江西等處屢保危城迨辦理陝西團練當回匪初起親往彈壓曉以大義逆首恐眾匪心動遂擁至渭南倉頭鎮地方殺害甚慘洵屬大節凜然覽奏倍深憫惻著照所請將死事實蹟宣付史館竝於倉頭鎮再建專祠該故員家屬二品封典張蔭婦女王氏等五十二名口或守

城遇害或城陷捐軀忠烈萃於一門尤可嘉憫均著交部分
別旌卹准其附祀陝省專祠以彰節義該故員家丁余榜等
六名罵賊遇害均著於陝省專祠附祀四年四月禮部題准
入祀江西名宦祠五月安徽京員鮑康等赴都察院呈
稱原任都察院左副都御史張芾於咸豐四五年間赴
徽防勦經歷六年之久堅守苦戰保障一方紳民同深
感戴情願捐貲於徽州府城建立專祠前湖南提督周
天受候選知縣徽州府學訓導李應詔等請一併附祀
經左都御史全慶等代奏得

允行尋

賜卹如例

子諡文毅

賞騎都尉兼雲騎尉世職襲次完時以恩騎尉世襲罔替七年

二月江西巡撫劉坤一奏芾及江忠源江忠義等專祠落成請列入祀典春秋官爲致祭以垂久遠奉

旨允行子師劬二品廕生

欽賜舉人襲世職

引之 家之 孝之 傳

三